

“BASES QUE REXERÁN O CONCURSO DE COMPARSAS PARTICIPANTES NO PASARRÚAS E GALA DO ENTROIDO 2019 NO CONCELLO DE FERROL”

1. O Concello de Ferrol realizará o Entroido o luns día **04/03/2019** no centro da cidade. As actividades previstas serán as seguintes :

- ◆ **Desfile de comparsas** con saída dende a *Praza de España*. Hora aproximada 18:00 horas.
- ◆ **Gala do Entroido**. Festival no que as comparsas desenvolverán a súa capacidade creativa nun escenario na *Praza de Amboaxe*. Hora aproximada 19:30 horas.

Co obxecto de promover unha das festas tradicionais máis celebradas no noso Concello e recuperar unha das prácticas máis populares destas datas, o Concello de Ferrol convoca **un concurso de Comparsas participantes no pasarrúas**.

2. As comparsas inscritas no concurso participaran no desfile e na gala do Entroido, (**un máximo de 15 comparsas**), previa presentación da folla de inscrición (Anexo I ou Anexo II) no rexistro xeral do Concello, de xeito presencial, en horario de 9.00 a 14.00 horas de luns a venres.

Tamén se poderán inscribir grupos para simplemente participar no desfile de pasarrúas (un máximo de 5 grupos e estarán integrados por un mínimo de (8) oito persoas cada ún deles), previa presentación da folla de inscrición (Anexo I ou Anexo II) no rexistro xeral do Concello, de xeito presencial, en horario de 9.00 a 14.00 horas de luns a venres.

O prazo de inscrición será de sete días naturais dende o día seguinte ao da publicación destas bases no BOP. O criterio de admisión será o seguinte:

- *Terán preferencia* as comparsas que pertencen ao Concello de Ferrol.
- *Rigorosa orde de entrada* da solicitude de participación, no Rexistro xeral do Concello que se fará de xeito presencial. (Anexo I ou Anexo II segundo corresponda e Anexo III obrigatoriamente).

A organización reservarase o dereito á cancelación do evento no suposto de que non se acade o número mínimo de oito (8) comparsas participantes.

3. As comparsas participantes optarán aos premios en metálico, segundo a valoración do xurado nomeado para tal efecto e que estarán presentes na Praza de Amboaxe durante a realización do acto. O premios aos que se opta serán os seguintes:

1º Premio	630 euros
2º Premio	620 euros
3º Premio	610 euros

O resto de comparsas participantes percibirán 600 euros cada unha. O pago realizarase mediante transferencia bancaria ao número de conta indicado na folla de inscrición e no documento oficial do Concello de Ferrol de “designación de conta bancaria e baixa de datos bancarios”, sempre e cando cumpran cos requisitos establecidos.

Os grupos que se inscriban para participar no **pasarrúas** percibirán 250 euros cada un. O pago realizarase mediante transferencia bancaria ao número de conta indicado na folla de inscrición e no formulario oficial do Concello de Ferrol de “designación de conta bancaria”, sempre e cando cumpran cos requisitos establecidos.

4. Consideraranse como “**comparsas**” o grupo de persoas integrado por un número igual ou superior a 16 compoñentes **debidamente disfrazados e gardando unha unidade temática** na súa vestimenta e actuación. A simple uniformidade dos seus compoñentes non será considerado como “disfraz”, quedando nas mans da organización deste evento a exclusión daquelas agrupacións que non cumpran estas normas.

5. Todas as comparsas e grupos deberán estar **disfrazadas axeitadamente** e preparadas para a súa participación, tanto no desfile coma no festival, así como á disposición da organización deste evento nos horarios fixados por esta.

Por parte da organización se comunicará, tanto a orde de saída no desfile como a orde de actuación na gala, a calquera dos medios de localización indicados na solicitude

6. Cada comparsa deberá interpretar, ante o público e nas instalacións destinadas ao evento as súas cancións, que terán unha **duración máxima de 5 minutos**. As **letras** serán en **galego** e cada comparsa entregará no Concello (Negociado de Cultura-Festas) copia das cancións ou do guión das parodias a interpretar .

7. As comparsas poderán distribuír as letras das súas cancións entre os asistentes ao festival. Dado o carácter humorístico desta festa tradicional, o Concello de Ferrol non asumirá responsabilidade algunha acerca das letras, interpretacións e disfraces das comparsas participantes.

8. As comparsas e grupos participarán no desfile e na gala realizada. Permanecerán nas rúas da cidade, ambientando a zona, ata o remate das actuacións do festival.

9. A inscrición implica o total coñecemento das bases do concurso. O incumprimento dalgunha delas supón a descualificación e baixa do concurso.

10. O xurado terá en conta a orixinalidade, que deberán ter unha temática común en base a unha representación ou unha actuación musical. Valorarase a complexidade e dificultade na elaboración dos traxes, a vistosidade dos mesmos tanto en movemento como parado, a complexidade e orixinalidade do conxunto que deberá ir en concordancia co tema que se pretende mostrar.

11. O xurado estará composto por catro persoas designadas pola concellería de Cultura e Festas e un representante do Concello que levantará acta ao remate do concurso.

O xurado terá potestade para resolver calquera dúbida que poida xurdir no desenvolvemento do concurso.

13. Cada compoñente das comparsas ou grupos inscritos, ademais da solicitude deberán presentar obrigatoriamente os anexos correspondentes que se achegan con estas Bases.

14. As presentes Bases serán publicadas no BOP e na páxina web do Concello así como os Anexos I e II (solicitude de participación)."

Ferrol,
O Concelleiro delegado de Cultura e Educación,
Universidade, Deportes, Turismo e Festas,